



## **Siunnersuut uunga: Utoqqarnut tapersersuinissaq pillugu Inatsisartut inatsisaat**

(Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq)

### **Siullermeerneqarnera**

Inatsisartut inatsisissaattut siunnersuutip Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisup saqqummiusnaanut imatut Naleqqamiit oqaaseqaateqassaagut.

Naleqqamiit Utoqqaat pillugit qinigaaffimmi uani qanoq iliuseqartoqartariaqarneranik aammalu Naalakkersuisooqataanitsinni iliusissamut pilersaarutaasussamik periusissiortoqarnissaa noqqaassutigisaratigu qinigaaffik aallartiinnartoq Naalakkersuisut Utoqqaat pillugit periusissiarfik qulinik qulequtaqartunik saqqummiillarmata Naleqqamiit nuannaarsimaqaagut piosqalersoralugu qinigaaffimmi uani iliuseqartoqalersoralugu.

Iliusissamik pilersaarut utaqqeqaanngikkaluarlugu utoqqaat siusinaartumillu utoqqaat atugaasa pitsanngorsaataasussamik utoqqaat pensionisiaat qaffaaffiginissaat noqqaassutigisimavarput piumasarisarsimallutigu piaarnerpaamik aqqinneqassasoq, taannalu qinigaaffimmi alloriarneq siullertut taallugu aqqinimininnguaq siulleq alloriarfigisimavarput alloriarnerup aappaalu piaartumik iliuseqarasuarfigineqartussaasoq takkutinngisaannarnikuuvoq ajuusaarnaraluartumik tupinnaraluartumik oqaasiinnaavoq timalersorneqarusunngitsoq soorlu aamma qulequttat qulit allat timalersorneqarusussimangittut aningaasartaqartortai taamaallaat qulequttat marluk Naleqqamiit qaqilerinerinerput ilutigalugu inatsisartunut siunnersuuteqarnerput aallaavigalugu Naalakkersuisut peqqunqarnikuupput.

Qanoq iliuseqartoqaaqqigani inissisimariarluni maannakkut siullermeerneqarluni eqqartugassamik Naalakkersuisut Utoqqaat pillugit periusissiarfik saqqummiusseqaat, suliniutaasussami pingaartinniarneqaraluarluni utoqqartatsinnut pisinnaatitaaffiit qulakkeerneqarnissaat.

Uggornaraluartumik qinigaaffimmi uani atuutilertussaanngitsumik saqqummiineq timalersorneqartussanngitsoq utoqqarnut oqaasiinnaanngitsumik Naleqqamiit illersuisuulluta soorunami taamatut oqaasiinnarmik inissittoqarnera uggoreqaarput.



Utoqqarnut tapersersuinissaq pillugu Inatsisartut inatsisaat manna atorlugu taamaallaat maannakkut saqqummiinerat uggornaqaaq tassami siunnerfik ajunngikkaluaqaaq uggornaqaarli inortuereerluni qanoq iliuseqarsimanginneq soorlulusooq aaqqinniaraluarlugu maannakkut saqqummeeriartoqaraluarat suliassarpassuit allat malinnaasussat ataqatigiissinngilluinnarlugit.

Utoqqaat pillugit utoqqaat tapersersuinissaq pillugu Inatsisartut inatsisaat maanna saqqummiunneqartoq ajunngitsorpassuarnik imaqaraluarpoq iluatinnaaneqartunik suleqatigiilluni toqqammavissatut suliaralugit ingerlanneqaqqissinnaagaluartut, kisiannili uggoreqaarput Naalackersuisut aammaarlutik ukiuni aggersuni innuttaasugut amerlasuut soraarningortussaapput. Ullumikkut inuit 67-ileereertut 4500 missaanniittut Ukiut 15-iinnaat qaangiuppata 7000-t anguneqassasut aarleqqutitut Naalackersuisut utoqqarnut suliassaqaarfimm aningaasartuutit eqqartorneqarput. Tamannalu ajuusaarnarpoq ilami akuerineqarsinnaangilaq kiffartuussifissat aningaasaq qitiutillugu nipeqartinniarneqartarnera ajorluinnarpoq ukiorpassuit akileraarsimasut pineqarput toqqissisimasumik soraarningornissaat akissaqartinneqartariaqarluinnartoq.

Taamatullu siunissami utoqqaat amerlaarnissaat suliassatut tigullugu ullumi siunissamilu utoqqaat pillugit kommunit kiffartuussinerat sullissinissaallu qitiusumiit ikorfartorlugu qanoq pitsaanerpaamik sinaakkusersorneqarlunilu pitsaanerpaamik kiffartuunneqarnissaat ilaannakusuunngitsumik suliarisariaqalerpoq uani Naalackersuisut ilaannakusoortumik taamaallaat suliaqarniarnerigaluat uggoreqaarput taamaammat sukumiisumik suliarinissaat pingaaruteqaqisut uani inortuilluni saqqummiineq uggoreqaarput aammalu allaat siunertaq ajunngikkaluartoq qineqqusaarnerinnartulluunniit allaat taaneqarsinnaasutullunniit taaneqarsinnaavoq.

Utoqqaat pillugit qanoq iliuseqarnissaq pisiaqariaqarluinnarpoq inatsisit katersuinnarlugit atugaat pitsaanerulernaviangillat allat attuummassuseqartut ilanngunneqarlutik atugassarititaasut aaqqinneqangippata utoqqaat atugaat pitsaanerulernaviangillat uani suliaq saqqummiunneqartoq malitseqartariaqarluinnarpoq kisimiilluni una suliaq kialluunniit paasinnissinnaasup takusinnaavaa una siunnersuut kisimiilluni utoqqaat atugaanut aaqqiisutaasinnaangilluinnartoq.



Taamatut oqaaseqaateqarluta isummagut Naleqqamiit saqqummiuppagut aammalu ugguarnerput saqqummiullutigu utoqqarnut neriorsuuterpassuit qinersivimmi uani piviusunngunngitsoormata.